



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1230. Usque Ad Annum 1248

**Fleury, Claude**

**August. Vind. [u.a.], 1764**

**VD18 90118049**

§. 36. Henricus Comes Provincialis in Regem Romanorum electus.

---

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

ctu supra humeros crucibus ex auro & ferico arte Phrygia eleganter pictis signari, illosque Nobiles his trabeis indutos divinum ad sacrificium ante lucem secum venire iussit. Aperiente se die cum in vicini humero, deinde in suo quisque crucem cernerent, jucunda novitate capti, non deprecandam sibi ducebant sacram militiam, ad quam a Rege hoc innocente artificio inducti essent.

Sæcul. XIII.  
A. C. 1246.

§. XXXVI.

*Henricus Comes Provincialis in Regem Romanorum electus.*

Interim Papa Imperium reputans viduum, Germaniæ Principes, ut Romanorum Regem cooptarent, urgebat, Henricum Provincialem Thuringiæ Comitem, Ludovici an. 1227 extincti fratrem singulariter commendans. Et vero Electores aliqui consentiebant, præcipue Conradus Archiepiscopus Coloniensis. At Comes id ægre in animum induxit, cupiens in parva provincia sua pace frui potius, quam exponere se periculis belli præsertim contra Fridericum virum callidum, & in gerendo militari imperio exercitatum. Papa per litteras 21 Aprilis 1246 datas Electores ad præferendum reliquis Henricum animavit, spondens, se, si morienti pareant, assidue conaturum facere,

An. 1246.  
p. 602.

Mon. Pad.  
p. 602.

Sup. Lib.  
LXXIX.  
§. 36.

Lib. 3. ep. 4.  
ap. Rayn.  
1246. n. 2. 3.

ut

Sæcul. XIII. ut ipsorum res prospere succedant. Scripsit simul Bohemiæ Regi Wenceslao quarto, & Bavariæ, Brabantiae, Brunsvigæ, ac Saxoniae Ducibus, electionem recusantibus, asseverans, hanc esse medium Ecclesiæ ac Imperio pacem restituendi.

*Rayn. n. 6. 7.* Legatum in Germaniam misit Philippum Fontium electum Episcopum Ferrariensem, virum rebus gerendis idoneum & animosum, cui magnam dedit potestatem, etiam per poenas profanas Dominos laicos, qui electi Regis iussa abnuerent, ad officium adigendi. Fratribus Prædicatoribus quoque ac Minoribus, qui in magna existimatione & autoritate apud populum erant, 22 Aprilis scripsit, ut a novo Rege starent, & cum primum electus esset, exhortationibus publicis ac privatis, & poenarum condonationem promittendo Germanos illi submitterent.

*Alb. Stad. an. 1246.* Tandem Archiepiscopi Moguntinus & Coloniensis ac quidam viri Principes laici prope Würzburgum die festo Ascensionis Domini 17 Maji 1246 Henricum Provinciam Thuringiæ Comitem in Romanorum Regem elegerunt. Moguntino mox contra omnes heterodoxos, quibus Fridericus annumerabatur, bellicum solenniter canente, hujus conventus Principes Nobilesque cuncti tesserariam induere crucem. Ab eodem Præsule de  
electio-

*Siffrid. eod. Matth. Par. p. 616.*

electione per litteras edoctus Papa, dum 9 Junii respondebat, illi suum hac de re gaudium significabat, ut novum Regem ad susceptum consilium fortiter exequendum, ac Germaniæ Principes ad ejus defensionem animaret, suadens, spondensque, se omne auxilii genus laturum. Et vero magnas pecuniæ summas Henrico misit: quo comperto Fridericus occupandas curabat vias, hoc subsidium in rem suam versurus. Qui ejus partes sequebantur, Henricum Regem Sacerdotum vocabant. Papa etiam anathema contra Fridericum denuo promulgari, eique parentium terras interdicto affici jussit.

Sæcul. XIII.  
A.C. 1246.

Rayn. 1246.  
n. 5. 6.

§. XXXVII.

*Conspiratio contra Fridericum.*

Papa non segnius in Sicilia ante Regis Henrici electionem rem gerebat. Duos illuc Cardinales ut Legatos misit nempe Stephanum Presbyterum tit. S. Mariæ trans Tiberim, & Rainerium Diaconum tit. S. Mariæ in Cosmedin: & ad omnes Præsules, Nobiles, populumque hujus Regni epistolam misit, in qua eos prorsus liberos declarat a servitute Friderici, quem novum Neronem vocat, & *approbante concilio* exauthoratum dicit, quamvis sententia sonet: *concilio præ-*  
*sente*: ut jam notavimus. Hortatur, &

III. ep. 8. ap.  
Rayn. n. II.

*Hist. Eccles. Tom. XX.*

K k ad